



SALA STAMPA DELLA SANTA SEDE **BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHL
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0242

Giovedì 11.05.2006

LETTERA DEL SANTO PADRE ALL'INVIATO SPECIALE AL XV CONGRESSO EUCARISTICO NAZIONALE DEL BRASILE (FLORIANÓPOLIS, 18-21 MAGGIO 2006)

LETTERA DEL SANTO PADRE ALL'INVIATO SPECIALE AL XV CONGRESSO EUCARISTICO NAZIONALE DEL BRASILE (FLORIANÓPOLIS, 18-21 MAGGIO 2006)

In data 11 marzo 2006, il Santo Padre ha nominato l'Em.mo Card. Eusébio Oscar Scheid, S.C.J., Arcivescovo di São Sebastião do Rio de Janeiro, Suo Inviato Speciale al XV Congresso Eucaristico Nazionale del Brasile, che sarà celebrato a Florianópolis dal 18 al 21 maggio 2006.

La Missione che accompagnerà l'Inviato Speciale è composta da:

- Rev.do Mons. Francisco De Sales Bianchini, Assistente Ecclesiastico del Movimento *Emmaus*;
- Rev.do Sacerdote Alvino Introvini Milani, Parroco della Parrocchia di San Vincenzo a Itajaí.

Pubblichiamo di seguito la Lettera del Santo Padre all'Em.mo Card. Eusébio Oscar Scheid:

• LETTERA DEL SANTO PADRE

Venerabili Fratri Nostro

EUSEBIO ANSGARIO S.R.E. Cardinali SCHEID,

Archiepiscopo Sancti Sebastiani Fluminis Ianuarii

Inde ab exordiis Ecclesiae sacrosanctum Christi Corpus eiusque pretiosissimum Sanguinem summa excoli novimus adoratione. Etenim ex Sanctissima Eucharistia, quae spiritalis alimoniae exstat thesaurus, vita Ecclesiae constanter nutritur et roboratur. Universi igitur fideles, hoc caritatis vinculo coniuncti nec non hac sacra synaxi refecti, conferunt ad Populi Dei communionem solidandam reapseque vivendam.

Et varias inter communitates ecclesiales, in praesens mens Nostra vertitur ad Ecclesiam in Brasilia, quae hanc

veritatem eucharisticam altius inspicere penitusque vivere cupit. Etenim Christifideles istius Ecclesiae se parant ad XV Congressum Eucharisticum Nationalem Florianopolitana in urbe celebrandum inter dies XVIII-XXI proximi mensis Maii. Eventus hic absque dubio efficiet ut Christifideles Brasiliensis communitalis in fide confirmetur, supernis donis repleantur, corde uno et anima una congregentur.

Itaque, quo haec commemoratio magnificentius efficaciusque evolvatur, libentes volentesque annuimus postulatis Venerabilis Fratris Murili Sebastiani Ramos Krieger, Archiepiscopi Florianopolitani, qui a Nobis poposcit ut sacer Praesul constitueretur, qui his sollemnibus Nostro praeesset nomine.

Tu autem, Venerabilis Frater Noster, peraptus Nobis videris, cui haec demandetur procuratio, quippe qui, istius terrae filius, decem per annos Pastor exstiteris huius archiepiscopalis Sedis Florianopolitanae. Hisce quapropter Litteris ac propensa Nostra voluntate te MISSUM EXTRAORDINARIUM constituimus, ut omnibus illic adstantibus ipsam Nostram vocem significes, unde novum animum suscipiant ad christianam et eucharisticam fidem ferventius vivendam.

Ibi salutationem Nostram significabis nec non benevolentiam omnibus participibus palam ostendes, quae cunctos complectatur universosque soletur. Eosdem sublime docebis momentum huius eucharistici mysterii, et hortaberis ut, accedentes ad hoc caeleste convivium, fraterna caritate in dies refulgeant.

Omnibus tandem Nostro nomine Benedictionem Apostolicam impertias velimus, quae sit animorum renovationis signum et supernarum gratiarum nuntiatrix.

Ex Aedibus Vaticanis, die IV mensis Aprilis, anno MMVI, Pontificatus Nostri primo.

BENEDICTUS PP. XVI

[00689-07.02] [Testo originale: Latino]
